

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Odbor za ekonomsku i razvojnu politiku,  
finansije i budžet

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

Primljeno:	12-06-2024	Broj:	02/11-02-1308/24
Org. jed.	Broj	Priloga	Vrijednost

Sarajevo, 12.6.2024.

**DOMU NARODA  
PARLAMENTA FEDERACIJE BOSNE I HERCEGOVINE**

Odbor za ekonomsku i razvojnu politiku, finansije i budžet Doma naroda Parlamenta Federacije Bosne i Hercegovine održao je 15. sjednicu Odbora dana 12.6.2024. godine. Sjednici Odbora prisustvovalo je sedam članova Odbora, čime su ispunjeni uslovi za punovažan rad u pogledu kvoruma i odlučivanja.

Na sjednici je usvojen sljedeći dnevni red:

1. Prijedlog zakona o izmjenama i dopuni Zakona o izdvajanju i usmjeravanju dijela prihoda poduzeća ostvarenog korištenjem hidroakumulacijskih objekata – skraćeni postupak,
2. Nacrt zakona o likvidacijskom postupku,
3. Prijedlog odluke o prihvaćanju dodatnog zaduženja po Sporazumu o zajmu između Bosne i Hercegovine i OPEC Fonda za međunarodni razvoj za realizaciju Projekta Koridor Vc dionica: Nemila – Donja Gračanica (Zenica sjever) poddionica: Vranduk – Ponirak,
4. Prijedlog odluke o davanju prethodne saglasnosti za kreditno zaduženje „JP Elektroprivreda BiH“ d.d. Sarajevo kod Evropske banke za obnovu i razvoj (EBRD) za realiziranje Projekta „Izgradnja fotonaponske elektrane Gračanica 1 (FNE Gračanica 1) i fotonaponske elektrane Gračanica 2 (FNE Gračanica 2)“.

Na osnovu člana 51. Poslovnika o radu Doma naroda Parlamenta Federacije BiH (“Službene novine Federacije BiH”, br. 27/03, 21/09 i 24/20), Odbor podnosi Domu naroda sljedeći:

**IZVJEŠTAJ**

1. **Prijedlog zakona o izmjenama i dopuni Zakona o izdvajanju i usmjeravanju dijela prihoda poduzeća ostvarenog korištenjem hidroakumulacijskih objekata – skraćeni postupak**

Odbor je utvrdio da je Prijedlog zakona podnio ovlaštenu predlagača u skladu s čl. 155. i 172. Poslovnika o radu Doma naroda Parlamenta Federacije Bosne i Hercegovine. Nakon uvodnog izlaganja predstavnika predlagača i rasprave na sjednici Odbora, Odbor je podržao Prijedlog zakona te predlaže delegatima Doma naroda da usvoje Prijedlog zakona o izmjenama i dopuni Zakona o izdvajanju i usmjeravanju dijela prihoda poduzeća ostvarenog korištenjem hidroakumulacijskih objekata po skraćenom postupku.



## **2. Nacrt zakona o likvidacijskom postupku**

Odbor je utvrdio da je Nacrt zakona podnio ovlašteni predlagač u skladu sa članom 155. Poslovnika o radu Doma naroda. Odbor je obavio raspravu i pri izjašnjavanju podržao sljedeći zaključak:

1. Odbor za ekonomsku i razvojnu politiku, finansije i budžet Doma naroda Parlamenta Federacije BiH predlaže Domu naroda da prihvati Nacrt zakona o likvidacijskom postupku kao osnovu za izradu Prijedloga zakona.
2. Odbor za ekonomsku i razvojnu politiku, finansije i budžet Doma naroda Parlamenta Federacije BiH predlaže da Dom naroda zaduži predlagača da organizuje i provede javnu raspravu u trajanju od 60 dana.
3. Odbor za ekonomsku i razvojnu politiku, finansije i budžet Doma naroda Parlamenta Federacije BiH predlaže da Dom naroda zaduži predlagača da prilikom izrade Prijedloga zakona uzme u obzir sve prijedloge, primjedbe i sugestije iznesene u raspravi, kao i one dostavljene pisanim putem.

S tim u vezi, Odbor predlaže Domu naroda da, u skladu sa članom 162. Poslovnika o radu, donese zaključak kojim će prihvatiti navedeni Nacrt zakona kao osnov za izradu Prijedloga zakona, te zadužiti predlagača da provede javnu raspravu u trajanju od 60 dana i prilikom izrade Prijedloga zakona razmotri sve sugestije, primjedbe i prijedloge iznesene u javnoj raspravi kao i one iznesene u raspravi na sjednici Doma naroda.

## **3. Prijedlog odluke o prihvaćanju dodatnog zaduženja po Sporazumu o zajmu između Bosne i Hercegovine i OPEC Fonda za međunarodni razvoj za realizaciju Projekta Koridor Vc dionica: Nemila – Donja Gračanica (Zenica sjever) poddionica: Vranduk – Ponirak**

Odbor za ekonomsku i razvojnu politiku, finansije i budžet, u skladu s čl. 50. Poslovnika o radu, nije razmatrao navedeni Prijedlog odluke jer predstavnik predlagača nije prisustvovao sjednici radnog tijela.

## **4. Prijedlog odluke o davanju prethodne saglasnosti za kreditno zaduženje „JP Elektroprivreda BiH“ d.d. Sarajevo kod Evropske banke za obnovu i razvoj (EBRD) za realiziranje Projekta „Izgradnja fotonaponske elektrane Gračanica 1 (FNE Gračanica 1) i fotonaponske elektrane Gračanica 2 (FNE Gračanica 2)“**

Odbor za ekonomsku i razvojnu politiku, finansije i budžet, u skladu s čl. 50. Poslovnika o radu, nije razmatrao navedeni Prijedlog odluke jer predstavnik predlagača nije prisustvovao sjednici radnog tijela.

U skladu s članom 51. Poslovnika, za izvjestiteljku na sjednici Doma naroda ispred Odbora određena je Amra Babić, predsjednica Odbora.

PREDSJEDNICA ODBORA

Amra Babić

